

2) Po šulskej statisticy ministra kulta z l. 1882 ličachu šulske džěći „skoro runje“ 22 % cyłeho wobydleństwa pruskeje monarchije. Mjez tutymi šulskimi džěćimi bě 6600, kotrež jeno serbski rozumjachu, a 6000, kotrež serbski a němski rěčachу. Po tajkim bě 1882 z tutymi džěćimi hromadže 30 000 čistych Serbow a 27 273 tajkich, kotriž hižo tež němski rozumjachu, z razom pak kulojče 57 000 Serbow: wot 1861—82 wob 21 lět wo wjacy dyžli 26 000 wosobow mjenje.

3) Kalawski wokrjes měješe:

1843 hišće 12563 Serbow,  
1861 jeno 6987 „  
1883 „ein verschwindendes Minimum“.

Lubinski wokrjes měješe:

1843 hišće . . 1048 Serbow,  
1861 jeno hišće 17 „  
1883 „nicht einen mehr“.

4) Facit Fahlischowy: Wob 1 lěto z najmjeňša 1000 Serbow zhinje! Za 30—50 lět njebudže ani jeneje serbskeje duše wjacy w pruskej monarchiji!

5) Zo je tajke wobličowanje cyle njewužitne a wopačne, drje je kóždemu jasno. Jeno na to chcu pokazać, zo Fahlisch — hač z wotpohladom abo z njewědomosću? — přeco ličby Delnich Serbow z ličbami wšeh pruskich (Delnich a Hornich) Serbow měša; na to wašnje dostanje wón n. př. pod 1) deficit Serbow wo 52 209 dušow, mjez tym zo po ličbach officialneje statistiki, na kotrež so Fahlisch tola zložuje, deficit Delnich Serbow w tych 18 lětach jenož 10395 dušow wučinješe t. r. jenož tych Serbow, kotriž su so jako Serbja ličili abo lićić dali. — Ad 3) cheu pak hišće přispomnić, zo l. 1880 w Kalawskim wokrjesu „hنجace minimum“ woprawdžitych Serbow tola hišće 12 877 a w Lubińskim 1487 dušow wobsahowaše!

